

“Qulliq Alrujaqtuqtunik Ikumadjutiit (QEC) havaktiit ihariagijaujun Nunavunmun,” uqaqtuq Ministauullaktuq Havaktuliqijikkunnun Lorne Kusugak. “Ihumagittiaqtavun havakpagutait pipkainikkut iglugijait Nunavunmiut ikumajukhat uuquulutiklu. Una angirutaat naunaittuq taimaa Nunavut Kavamanga ikajuqpiaktun havaktimingnun. Pinaqtuq ikajurlugi QEC nakuujumik piliuqtauhimajuq, havaktikhaqaqtuq ikajuqtaujuqlu tunijaami hapkuninnga hivulliutiujumajaptiknik ataani uumani Katujjiluta havaktaujakhanun.”

“Piniarhimaraanginnaqtugun tunijaami nakuutqijaujunik akiliuhiarutikhanik ikajurutiniklu havaktinun,” uqaqtuq Rick Hunt, QECkunni Angajuqqaq Atanngujauullaqtuqlu.

“Talvuuna atuqtipkainikkut ukunani nutaanguqtiffaaqtauhimajunik parnaqtuni, akhuurhainikkullu pipkainikkullu ihumagittiarutiqaqtumik havagvingmik, niriukhimmaaqtugun ittaaptiknik pijumajaujumik havagvikhamik.”

Kingulliqpaaq angirutu nunguttuq Tisaipa 31, 2020mi.

###

Qilamik Kangiqhidjutit:

- Hitamani-ukiuni angirutu piqaqtumik hapkuninnga akittuqjuummirutinik:
 - Januari 1, 2021 – 1.5% avvaa.
 - Januari 1, 2022 – 1.5% avvaa.
 - Januari 1, 2023 – 2% avvaa.
 - Januari 1, 2024 – 4% avvaa.
- \$1,000 sainiutikkut ikajuruti ukununga NEUkunni ilaujuni.
- Nutaaq Inuit Pitquhikkut Havaguiqhimallangniq imaa malruungnik ublunik akiliqtauhimajunik havaktimun hulijaami Inuit pitquhiinni hulilukaarutainni, ilaujun kihimi kiklikqangittun anguniarnirun, iqalukhiurnirun katitirnulluunniit.
- Nutaaq Ilagiiktuni Pimmarluktaunirun Havaguiqhimallangniq imaa tallimanik ublunik akiliqtauhimajunik imaalu tallimanik akiliqtaungittunik ikajuriami havaktinun hulidjutikhainnun kiujaami aanniaqtailidjutimingnun, hapummidjutimingnun, qajangnaidjutikhamingnullu.
- Akittuqjuummiqtuq kituni havaktiullaknirmun akinga talvannga 5%min avvaanin talvunnga 10%mun avvaanun.
- Pimmarighijuummiqtun pidjutainnik. Havaktiillu pijaaliqtun atuqlutik tamaat ilanganikluunnii haalatiikkut ikaarnirnik ilaliutilugin ukunanik aallanik havaguiqhimallagutinik.
- Aallangajuq Havaguiqhimallangniq tadjja katitiqtaaqtuq uvani nutaami pimmarigharhimajumilu akitutilaangani atauhirmi ikaarnirmi aajjikkuhiurlugu GN-kunni havaakkut angirutimi.

